

ان الحمد لله نحمده ونستعينه ونستغفره من شرور أنفسنا ومن سيئات أعمالنا من يهديه الله تعالى فلا  
مضل له ومن يضل فلا هادي له ونشهد أن لا إله إلا الله وحده لا شريك له وأشهد أن محمد عبد الله  
ورسوله

اللهم صلى على محمد وعلى آل محمد كما صليت على إبراهيم وعلى آل إبراهيم إنك حميد مجيد  
اللهم بارك على محمد وعلى آل محمد كما باركت على إبراهيم وعلى آل إبراهيم إنك حميد مجيد  
وبعد

فإني اسأل الله تعالى أن يجعل جمعنا هذا جمعا مرحوماً ويجعل التفرق من بعده تفرق معصوماً وأن  
لا يجعل بيننا ولا منا ولا حولنا شقياً ولا محروماً  
وتب علينا إنك أنت التواب الرحيم

ربنا آتتنا في الدنيا حسنة وفي الآخرة حسنة وقنا عذاب النار  
خبط عليه في ليلة من الليالي فتح له الباب أول ما شافه انشرح صدره فرح به أعظم  
فرحة استقبله أحسن أستقبال مشك في إيده وقاله إنت ضيفي والنبى صلى عليه وسلم  
قال من كان يؤمن بالله واليوم الآخر فليكرم ضيفه بدأت العلاقة بنهم تزداد يوم ورا يوم  
دخل ضيف على صاحبنا وكانت دخلته دخلة الخير والسعادة وكما كان شقيق البلقي يقول  
ليس شيء أحب إلي من الضيف لأنه رزقه على الله وأجره لي حبه ملا قلبه لاقى  
نفهسمعه بقى إنسان جدي لقي نفسه بعيش أحلى أيام حياته الضيف خد بإيديين صاحبه  
للمسجد بقى يصلي كل صلاة في وقتها عرفه معنى الصيام في النهار والقيام في الليل  
عرفه معنى لذة طاعة الرحمن حب الضيف لما ملا قلب صاحبنا الأيام عدت معاه كأنها  
ثواني وفجأة جاء الضيف الغالي واستأذن على صاحبنا وقاله الوقت عدى وده ميعاد  
الرجوع صاحبنا مصدقش نفسه حضنه ومسك في إيده واستحلفه إنه يحن عليه ولا  
يمشي وقاله أرجوك متسبنيش خطر بباله كلام محمد بن بشار شيخ الإمام البخاري الإمام  
البخاري راح البصرة تلقى العلم على يد محمد بن بشار فلما أراد أن يترك البصرة قال  
له محمد بن بشار موعدنا الحشر ألا نتلقى بعد يمكن منتقبليش تاني ويمكن منتقبليش مع  
رمضان تاني لما خطر بباله المعنى ده جري وراه قاله أرجوك متسبنيش أنا دقت معنى  
الطاعة انا عرفت يعني إيه القرب من ربنا معاك أرجوك متسبنيش هو ده نداء كل قلب  
مؤمن بعد رمضان صاحبنا مقدرش يتمالك نفسه بكى وقعد يمشي فى الطرقات يبحث  
عن صاحبه بدأ يحس بألم فراق الضيف الغالي ده حاله بدأ يتغير بدأ يرجع تاني  
للمعاصي والذنوب وبدأت ريما ترجع لعادتها القديمة بدأ يوقل يا حبيبي يا صديقي يا  
ضيفي إنت فين أرجوك متسبنيش انا مش عايز أرجع تاني زي ماكنت قبل ما عرفتك أنا  
مش عايز أرجع تاني للسكة اللي انا كنت فيها أنا عايزك معايا على طول قال صلى الله  
عليه وسلم آتاني جبريل فقال يا محمد عش ما شئت فإنك ميت وأحببت من شئت فإنك  
مفارقة فكر إنه يكتب رسالة إلى حبيبه رمضان فقاله أخي وحبيبي وصديقي وسيدي  
شهر رمضان أكتب إليك هذه الكلمات أملأها بحبي لك وامتناني لله أن بلغني إياك أخي  
الحبيب وصديقي العزيز وسيدي الكريم زرتنا ففرحنا بك وأقمت عندنا فأنسنا بك  
واستمعنا بصحبيك كنت لنا نعم الصديق ونعم الجار ونعم المعين أخي الحبيب سلام  
عليك بما أحببت في قلوبنا سلام عليك بما أخذت بأيدينا إلى الله بما جمعنا فيه من الطاعة

وبما أيقذنتنا فيه من غفلة سلام عليك ما وهبتنا من خشوع وخضوع وما ملأت قلوبنا بحب الله العظيم وحب الله الكريم سلام عليك غدا أنت شهر العتق مش يمكن إتكتبنا يا شباب بفضل رمضان وقدم رمضان السنة دي من عتقاء الله من النار مش يمكن غفر بفضل الله ما تقدم من ذنوبنا ليه مش شايف في عينيك بالاحساس إن احنا فوزنا بالجوائز العظيمة دي علشان رجعنا تاني على مدى الأربع تيام اللي فاتوا لما كنا عليه علشان كده أنا جاي النهاردة أكلموكم عايزين نقول لرمضان أذكرنا عند ربك لما تروح عند ربنا بأعمالنا كلها عايزين نقوله كده اذكرنا عند ربك لما تروح بأعمالنا على ربنا أقرأ ربنا منا السلام وقول للرحمن والله يا رب إنا نحبك ونحب قريبك ونحب طاعتك لكن بتاخذنا نفسنا شوية والدنيا وتوقعنا بعد ما خلصنا كنا عهدناك مش هنرجع تاني مش هنعمل الأعمال دي تاني بس حبك في قلوبنا يارب وحب نبيك في قلوبنا يارب وهو ده اللي هنبى عليه أعمالنا على مدى السنة الإيمانية دي السنة الإيمانية بتبدي من شوال خلاص خلصنا كده السنة اللي فاتت دي هنبتي دلوقتي سنة إيمانية جديدة عايزين نشوف هنعلم فيها إيه فعابز أديكم في الأول شوية وصايا مهمة أوي في فقه الطريق فقه الطريق في شوال وبالتالي فيما يأتي من شهور شوف في حاجتين خدوا بالكم منهم أوي في شوال رقم واحد الشيطان مصفد بقاله شهر هو أعدى أعداءك أنا عايزك تتصور كده شخص عدوا ليك حاقد مش متمني ليك الخير أبدا عايز يوقعك في شر أعمالك بأي شكل شوف غيظه وهو بقاله شهر من قادر يعمل معاك حاجة وكل شوية رحمت نازلة وإنت قاعد تمسك مصحف وتصلي قيام وصيام نهار ورحمات ربنا نالزة فطالع بكل غل عايز يوقعك هيعمل إيه قدامه تلت سكك لو إنك هتعرف تسلك في التلت سكك دول يبقى إنت أمنت شره

أول سكة إنه يوقعك في اليأس هيووقعك في تقصير أو ذنب تكون إنت عهدت ربنا إنك مش هتعمله تاني يعني إنت خلاص في رمضان قولت يا رب مش هعمل الذنب ده تايين خالص مش هرجع له ومش هقول ومش هعمل يوقم موقعك فيه تروح قاعد بينك وبين نفسك تقول ضاع الشغل ده ينفى مينفحش منفعتيش يبقى وقعك فين في اليأس بس جابك إنت هتياأس هتحبط مش هتعرف ترفع راسك تاني واكن الشيطان للانسان خذولا خذولا يعني إيه مخذل مهمد يخليك دايم كده إيه دايم ياأس من نفسك إنت فيك وفيك ويشعرك بضعفك ويشعرك بسليباتك فالباالتي عمرك ما هتغف تمشي هيحصل تقصير مثلا تقصير زي إيه بعد ما كان أحد عهوده ومواثيق إن هو كل صلاة في جماعة من تكبيرة الاحرام وعمره ما هيفوت ضاع الفجر يصبح بنفس النفسية الانهزامية دي عايزن بقى في المقابل نتعامل مع الموقف ده لو حصل كده فاكريين كنا بنقول دايم إيه لو رجلك غرست في الوحل قوم انفض منهاعلي طول واستدرك الفانت ده درس رمضان مهم جدا إنك تستدرك فانتك يعني أنا وقعت في حاجة مش ملطوب بقى إني وقعت في عشرة خلاص استدركها باستغفار أستعد بالله من الشيطان مش هيهزمني في اللي جاية لا يلدغ من حجر مرتين اتحداها واعرف إنه جالك من هنا إن الشيطان يفتح لإبن آدم سبعين بابا من الخير ليهلكه في باب من الشر منهم يكون إيه باب الشر ده الياس واحنا كا أمة منهزمين

نفسيا يعني إنت مش عايز أكثر من إنه هو بس يرميها لك هتلاقي نفسك وقعت على طول بس صح ؟ أدي سكة

السكة الثانية بقى عطسها ما شاء الله عليك السنة أحلى رمضان في حياتي إيه ده إيه الشغل الجامد ده وصلاة غيه وقرآن إيه ده إنت قرئت قرآنية وصليت صلاة داننا عمرك ما علمتاه الله أكبر الله أكبر بس كده إنت بقى إيه الله أكبر تمام تمام السنة دي أنا مش هقدر أقولك مشاعر وأحاسيس ومواضيع مش هتعرف تتدخل إنت في المواضيع دي هو بس كده يعجب بعمله جابه النبي صلى الله عليه وسلم قال ثلاث مهلكات شح مطاع وهوى متبع واعجاب المرء بنفسه وهي أشدهن وفي لفظ أهلكن هي أكثر واحدة دي إنه يريحه بقى هنا عايز تعرف إنت بقيت معجب ولا لأ أديك علامة على طول علامة الاعجاب إيه إنك تقف عن العمل هتعمل تاني ليه دول كذا ختمة ما شاء الله السنة كلها تقرا لك بعد كده بقى أي حاجة في الخفيف أي حاجة كده يعني عملنا الحمد لله وصلينا صلاة طويلة وتام التمام وشهر صيام يعني ما شاء الله خلاص كده يقف عن العمل يبقى جابه في الاعجاب تلاقي إيه الواحد طالب العلم مثلا قرأ له كتاب يقعد في أي قاعد يلمس الناس اكتاف محدث عارف يفتح بقة وقال شيخ الاسلام وقال مش عارف مين وقال مين الله اكبر مفيش حد عارف يفتح بقة يقعد ولا يفتح كتاب بعديها خلاص بقى إي كلمتين أقوله شيخ الاسلام ميقولش ولا كلمة بعديها خلاص هو نفس الحكاية هو عنده شوية حاجة كده وأهو عمل فلما تيجي تتكلم إنت ختمت كام ختمة السنة دي ختميتين ختمين ياعم اقعد هو بقى مدكن الحبة اللي أد كده وخلاص فمش هيشغل تاني هو ده ببقي الاعجاب بوقع

السكة الثالثة الغرور وغرك بالله الغرور إيه بقى الغرور هنا ربنا قال إيه يعدهم ويمنيهم يقعد إنت كده تمام وبعدين لاسنة اللي جاية إذا كان مش عجبك رمضان السنة دي وكان في آفات ومشاكل ومعرفتيش تعمل حاجة لسه لك لسه في أول شبابك عيش شبابك اتمتع كده بقى يشتغل يعدهم ويمنيهم ده الراجل يقعد لأرين الله ما اصنع اتفرج بقى أول يوم صاروخ تاني يوم ماشي تالت ها بدأنا نعكز شوية أربعة خمسة طب بس ناخذ نفسنا ونبقى نكمل تاني بدأ الشهر يوم ورا التاني ورا التاني ويجي على العشرة الأواخر مش هو ده

العمل اللي يجيب مغفرة وتقوى وعتق من النار يقف في العيد يبص على وشوش الناس الناس ما بين فريقين وجوه مسفرة ضاحكة مستبشرة ووجوه عليها غبرة ترهقها فترة فيبص في وشوش الناس وبعدين يقول لإن مكنتي الله وبلغني رمضان القادم لأرين الله ما أصنع واحنا عايشين في بحر الأمانى العلماء قالوا مفسدات القلب خمس منها ركوب بحر الأمانى إن إنت مخدتيش قرار يبقى النقطة دي بتقول إيه علشان نواجه إبليس وحيل إبليس بعد رمضان قرارك إيه أنا قولت لهم كده في الإعتكاف على يوم ٢٧ / ٢٨ قولت لهم خدتوا القرار لو مخدتيش القرار يبقى بتلعب وأنا النهاردة عايزك معايا تاخذ القرار هتغير في إيه يحافظ على الصلاة وهبقي كذا وهطلب العلم وهحفظ قرآن وهبقي كويس أوى كلام فارغ شعارات اللي يقولى هحفظ القرآن السنة دي وهعمل مش عارف إيه فين

البرنامج العملي الدقيق إنك هتعمل إيه في أول أسبوع من شوال أول اسبوع ثاني أسبوع هتعمل فيه إيه هو ده القرار إنما العبارات الكبيرة دي أسمها أمانى فعايزين ناخذ قرار يا شباب هو ده علامة قبول رمضان يا شباب إن إنت تبقى أخذت قرارك هناخذ القرار النهاردة إيه بقى أدي الواجب العملي تلت عادات سيئة هتعاهد ربنا إنك تتخلص منهم على مدى الفترة الجاية ونحدد لهم برنامج زمني لاقيت نفسك بتتكلم كثير وبتضيع وقت كثير لما أقولك علامة الوقت ضياع الوقت وتقولى ده رمضان اللي اسمه رمضان كان بيضيع يبقى غيره مش هيبضيع يبقى أنا مش هنفع رجعنا ثاني لفكرة إبليس أهي أبتدي أقول انا آفة من آفاتي إن أنا بضيع وقتي إننا معنديش منهج في حياتي إيه المنهج اللي إنت عايش له هتتعلم إيه أحوالك هتتصلح مع ربنا في إيه أحوالك مع الناس إيجابي هتشيل دعوة هتشيل قضية هي دي علمك حالك عملك دعوتك لازم تأسس دينك بالشكل ده إن الذين آمنوا وعملوا الصالحات وتواصوا بالحق وتواصوا بالصبر فهنتبدي بالتلت حاجات اللي هو عوائق قدامك واضحين أوي أنا مش عارف أغض بصري أنا بنام كثير أنا كسول أيوة قدامي بقى حاجة من دول وأبتدي أنا بعجز بشكل سريع يعني أحبب أيأس ألاقي نفسي من قادر كل حاجة من دول يتحط لها الوصفة الإيمانية بتاعتها عجز استعن بالله ولا تعجز مش قارء منقوليش مش قادر لأنها مش بحولك ولا بقوتك بقوة الجبار القوي سبحانه هو اللي هيمدك بالقوة هو اللي إيداك القوة وخلاك وقفت وصليت ولو حاولت تعمل نفس الشغل دلوقتي مش هتلاقي نفس النفحات ولا نفس الوضع اللي كان في رمضان إنت كسول يبقى تستدفع الكسل ده بالدعاء اذكار الصباح والمساء لا تحقرن من المعروف شيئا اللهم إني أعوذ بك من العجز والكسل وأعوذ بك من الجبن والبخل والله يمكن ربنا سبحانه وتعالى يدفعك عنك هذا المعنى عندك ضبابية في الرؤية آفة أنا بحاول أساعدك في إنك تعرف تشخص نفسك ضبابية في الرؤية يعني مش عارف عايز تعمل إيه عندك التراب ده اللي القرآن بيسميه العمى يعمهون ويذرهم في طغيانهم يعمهون يعمهون يعني إيه يترددون يختارون مش عارف يهتدي إلى سبيل الاضطراب ده أعرف أتعامل معاه إزاي عايز علم بالطريق حد يبصرك بالطريق لأن في هدايتين هداية إلى الطريق وهداية على الطريق هي دي اهدنا الصراط المستقيم اهدنا الصراط فنوصلوا ونمشي عليه احنا ممكن نكون وصلنا وتكون دي ثمرة رمضان واللهم لك الحمد لكن اللي عليه بقى من جواه كلام بعض الشباب وهو في رمضان قال كلكم قاعدين تقولوا من بره أحلى رمضان في حياتي رمضان فرصتك يالا يا عم اعمل اعمل اعمل نخش من جوا الدنيا ضلمة جواه اللي هو وانا واقف في الصلاة وسرحان ومش عارف أعمل إيه جوا اللي هو مش حاسس إن للصيام أي أثر عليا جوا اللي هو الذكر مفيش تأثير في القلب جوا اللي هو قرآن بيتقري كده وخلص ولا ليه أي مفعول جوا ده أعمل فه غيه جوا إبتلاء في النص مش فاهم أتعامل معاه إزاي هو ده بقى على الطريق وهو ده اللي أنا عايز أبصرك به النهاردة انا بقولك كده على الطريق شيطان واقف لك متغاض عايز ياخذ عملك كله ويضيعه وهيقعد بنفس فيك ليل نهار إن إنت عملك حبط عملك ضاع إنك لم تكن من المقبولين يا عم علامة حسنة حسنة بعدها وقعت في ذنوب ولا لأ

يبقى رمضان اتقبل متقلبيش بالسلامة خلصت هي دي الشغلانة مين قالك دي اسمها علامة حسنة بس ده مش معناه إنها علامة فارقة يعني خلاص منزلة وإلا علامة حسنة حسنة بعدها يبقى محدش هيقع في ذنوب لأ الغالب على حاله إنه يبقى موفق لطاعات عايزكم تفهموا الكلام علشان لما تقرأه وتيجي بعد كده تقف في أي مخالفة أو أي تقصير متعيش فهمتوا المعاني دي ولا لأ يقبانت هتأخذ قرارك تلت عادات سيئة تتخلص منهم هتبتدي تهدا شوية مثلا لا تحافظ على أذكار الصباح والمساء حتى أقل شيء أذكار الدخول والخروج إنت مقصر فيها عيب آفة عايز أصححها عايز أبقي على هدي النبي محمد صلى الله عليه وسلم ده وفي الجانب الآخر قرارات بقى اللي انت عايز تهدف بها حياتك إيه هدفك هدفك الإيمانى إيه هو واضح محدد بتركز عليه عارف سكتك كده هتوديني لفين ولا برده شعارات لأ عايزين أهداف واضحة أهداف واضحة هتقول أنا هحفظ جزء قرآن الهدف لازم مراعاة فيه إمكانياتك وقتك وأحوالك متجيش تقولي كلام برده أنا هحفظ كل يوم جزء إنت معندكيش وقت إنك تحفظ كل يوم جزء إنت معندكيش الإمكانيات إن إنت تعمل كده تقولى لا استعن بالله ولا أعجز وتيجي تعمل وتلاقي هو ده اللي يفتح له سبعين باب من الخير إنما يجي يمسك المصحف ممكن أول يوم يحفظ جزء بوعده كده ميجبش يوقعه خالص بقى مش قولت لك مش سكتك هي كده لأ انا عايز أحط هدف يكون فعلا واقعي أحنا قولنا أربع شروط في الهدف الناجح هدف واضح هدف محدد هدف واقعي قابل للقياس واضح يبقى ميقاش غوجاني يبقى ميقاش كلام كده اللي هو إيه إنت عايز إيه عايز ربنا يرضي عني عايز إيه عايز أخش الجنة عايز إيه عايز الحور هو ده اللي أنا عايزه من الآخر يعني لأ هدف لازم يكون واضح محدد تماما عايز ترضي ربنا في إيه أرضي ربنا إني عايز أرفع عن نفسي الجهل وأتعلم وأعرف مين هو ربنا هو كده طب يعني إيه دي هتعمل يعني إيه أسماء وصفات هعرف يعني إيه شكور يعني إيه حني ويعني إيه ولي ويعني إيه قدوس هعرف أناجيه والله الأسماء الحسنى فادعوه بها وذروا الذين يلحدون في أسمائه أنا أحد وقفات ربنا الآية اللي قبلها ولقد ذرأنا لجهنم كثيرا من الجن والإنس لهم قلوب لا يفقهون ولهم أعين لا يبصرون بها ولهم أذان لا يسمعون بها أولئك كالأنعام بل هم اضل أولئك هم الغافلون والله الأسماء الحسنى وصلت ولا موصلتيش يبقى عايز تنفي عن نفسك طبع القلب مش أنا واقف في الصلاة لهم قلوب لا يفقهون بها صح طب أشلها إزاي دي قال السبب إنهم غافلين سبب إن في دنيا في القلب سبب إنهم بيفكروا في حاجات تانية غير الهدف الحقيقي اللي إتخلقوا من أجله فعلى إنهم غافلين نايمين أنفياها إزاي دي يارب أهو آفة أهو أنا مش عايز أكون طول الوقت في الغافلات دي قال اتعلم أ، مين والله الاسماء الحسنى وصلت هي دي طب خد التانية ولو أنا أهل القرى آمنوا واتقوا لفتحنا عليهم بركات من السماء والأرض ولكن كذبوا فأخذناهم بذنوبهم ما كانوا يكسبون فأمن أهل القرى أن يأتيهم بأسنا بيئاتا وهم نائمون هي دي الغفلة إن البلاء نزل وقلبك إسود شيئا ما أو طبع عليه وإنت ولا إنت هنا فجاء البأس وإنت نايم أو أمن أهل القرى أن يأتيهم بأسنا ضحى والدنيا واضحة خالص والشمس مشرقة والآيات وضاحة فوق فلان بيموت وفلان بيحصله وفلان بيجرى له

وهم يلعبون أفأمنوا مكر الله فلا يأمن مكر الله إلا القوم الخاسرون أو لم يهدي الذين يرثون الأرض من بعد أهلا أو لو نشاء أصبانهم بذنوبهم ونطبع على قلوبهم فهم هي دي الوقفة فهم إيه بقى؟ فهم لا يفقهون؟ لا يسمعون من الأصل الإشكال كان فين مكنيتيش بتسمع إن في ذلك لذكرى لمن لمن كان له قلب فمعنداش أو ألقى السمع يسمع صح كنت وإنت واقف كده تجيب قلبك تقعد بقى تنصت وتصغي للآية اللي جاية لك الكلمة اللي بتوصل دلوقتي ليك وأنا بتكلم افتح لها قلبك علشان قلبك الاقفال اللي عليه تتحطم فهمتوا يبقى إزاي أشيل الغفلة وطبع القلب ده محتاج تسمع محتاج أسمع إيه أول شيء داوي قلبك بالقرآن تاني شيء داوي قلبك بالمواعظ ولو أنهم فعلوا ما يوعظن به لكان خير لهم وأشد تثبيتا أدي وصية الثبات مش إنت هتسألوا وهتقولوا كده كيف الثبات على الطاعات بعض رمضان أقولك الوصفة في كلمات شوف فاعلم أنه لا إله إلا الله واستغفر لذنبك بس وللمؤمنين والمؤمنات وشف ختام الآية بقى والله يعلم متقلبكم ومثواكم أشرح فاعلم أنه لا إله إلا الله العلم قبل القول و العمل العلم قبل التوحيد نفسه الأول أعلم وأعلم إيه أعلم أنه لا إله إلا الله يحصل تجريد يحصل إخلاص مفيش حد دلوقتي في دماغك غير ربنا مبدليش إلا الله مبحيش إلا ربنا لا إله إلا الله كويس؟

طب أنا علشان أوصل للمعنى ده يحصل إيه بقى محتاج تزكية محتاج تطهير للقلب واستغفر لذنبك يبقى لازم تستغفر لذنبك بس لأ ولازم تشعر بروح الجماعة دي لازم تشعر بالمؤمنين والمؤمنات لازم الصحة ولازم الألفة لازم المجتمع المسلم لازم تبقى إنت في وسطهم فمينفعش تبقى معزول عنهم فتبقى مهموم بهمومهم فنتستغفر لهم وللمؤمنين والمؤمنات لغاية كده ماشي الروشنة بتقول علم وتوحيد إخلاص وتوبة وإنابة وتجديد للمعنى ده اللي هو تزكية بصى بقى الأخيرة دي والله يعلم متقلبكم ومثواكم اللي هي قصة الثابت والمتغير إيه الثابت والمتغير متقلبكم أدي المتغير ومثواكم اللي هو الثابت وانت في الطريق لربنا عندك ثابت ومتغير إيه الثابت هي دي قصة برده فقه الحال بعد رمضان الثوابت يا شباب الحاجات اللي إنت مش هتتنازل عنها أبدا بنصلي الخمس صلوات يا عم اللهم لك الحمد ثوابت يعني مينفعش يوم كده متصليش دي ثابت في حياتك في واحد بالنسبة له الثابت أعلى شوية يجيب نوافل ميقدرش لازم يجيب كل يوم ١٢ ركعة زي ما كان النبي صلى الله عليه وسلم الرواتب في واحد بالسنة له الثابت جزء قرآن لازم يتقري واحد بالنسبة له الأذكار وأنا بشوف ناس عادية خالص وبسطاء جدا تلاقيهم في المواصلات والبتاع لازم يقرأ كل يوم الورد في الصبح أذكار الصباح وأذكار المساء مفياش هزار دي أوراد ثابتة ده اسمها إيه الثوابت فيها بقى متغيرات اللي هو احنا قاعدين في رمضان فتح تلاقي نفسك في يوم صليت بتلت أربع أجزاء واللي صلى بكذا واللي صلى طول الليل واللي عمل واللي سوى دي اسمها متغيرات على حسب الوقت فعبادة رمضان تختلف عن عبادة شوال هو كده احنا قاعدين في الحرم تقول أقرأ لي جزء كده وبعدين اريح تلاقي نفسك سحبت أهو هو كده فتح متعرفيش منين مش بكسبك اعملها هنا بقى دي ولا الهوا ولا الهوا خالص أنا لسه مجرب النهاردة خالص ما امبارح كانت ماشية وسالكة فايه المشكلة دي اسمها المتغيرات أدي المتقلب

وأدي المثوا المثوا المكان اللي إيه تستوطنه اللي هو بيقول عليه المقام حاجة ثابت عليها وفي حاجة تانية اسمها إيه بتتغير فيها إمتى تبقى منزلتك كل ما الثوابت بتاعتك تعلق فالمطلوب بعد رمضان إنت كنت مثبتت خمس صلوات السنة اللي فاتت السنة دي هتثبت معاهم ركعتين قيام ليل حلو أوي بس ثابت بحياتك واحد كان مثبت جزء قرآن بقى جزئين بقى يختم ختمتين في الشهر أو ختمة ونص المهم زود فالثابت بتاعه إيه زاد ثبت على كده علشان كده هو ده اللي هممني اللي هممني العمل الديمة اللي إنت هستقيم عليه إنما المتقلب مينفعش هنا تقف عليه بيقولوا الاحوال مواهب والمقامات مكاسب يعني الثوابت بتيجي بكسب العبد اللي هو بيعمل إيه يشتغل ويتعب علشان يوصل متجيش كده إنما الحال اللي هو إنت وقفت في الصلاة في يوم الشريم دخل الصلاة وانفجر في البكاء المهم وهو واقف علي شوية معاني كل اللي واقف مش فاهم هو واقف بيعمل كده ليه بس هو بيعيط والناس كله سخن بقى ولاقيت لك الحرم شوية بشوية وهو مش قادر يكمل الآية وهم بقى كان كله قاعد تايه وكل الحرم قاعد ساكت وآخر رمضان بقى وإيه كله بيسقط يعني أول ما هو بدأ يتفاعل كله قعد بيكي نزلت إديتهم درس عيط النهاردة أه عيط علي إيه على خبتك ما هتكون عيطت على إيه ماننت مش فاهم حاجة هو لما وقف عليها وبدأ بيكي كله بدأ يهرش بيكي ليه بيكي ليه أهو أبكي وخلص أهو بيعيط نعيط لكن مفيش في المعاني ولا أي حاجة من الكلام ده هو ده فعشان كده دي اسمها أحوال إن إنت دخلت تصلي ولا إنت عملت حاجة دخلت لاقيت ما شاء الله قلبك رق وعينك جت تسأل في إيه متعرفش أحد مشايخنا راح سألته هو الشريم صلى وراح قعد بيكي أنا عايز أفهم دي بتعيط فيها ليه مفياش عياط دي أفهم قاله كده رحمة هو نفسه مش عارف دي اسمها إيه حال حاجة تتغير طبعاً إنت لو عيطت في اليوم ده تطلع تقول أحلي يوم حاجة تانية خالص موضوع تاني موضوع تاني خالص وهو رحمة يعني ده ليس بكسبك إنما أنه اللي كنت تفرح به إن اليوم اللي تطلع منه يجي الحرام يقرب منك أعود بالله دي اسمها الخشية إنما البكاء ده حال هو ده المتقلب الثابت إيه بقى الخشية الثابت إيه التقوى الثابت إيه التوكل دي المعاني اللي لازم تكون اتغرس في قلبك إنما لو مسكت في يوم كده عيطت فيه أو إحساس كده نشطت فيه يوم قرئت لك فيه مش عارف أد كده مش عارف أكثر يوم قرأت فيه وقعدت تقول فيه هو ده المقياس والمعيار يبقى إنت مش فاهم حاجة فهمتك يبقى عايزين نطلع بايه عايزين نطلع بثوابت هي دي القرار اللي أنا ببحث عنه إيه الثابت اللي هتثبت ليك بعد رمضان اكتب بقى ورقة وقلم ده واجب عملي بجد مش هزار أنا خلّيت الشباب في الاعتكاف يجي عشرين واحد كل واحد كتب وقلت له هتابعك عليه أنا مش بهزر وقلت اللي هيكتب الكلام اللي هو الكبير ده بيعد عني فانا عايزكم دلوقتي تعملوا كده كل واحد ورقة وقلم وهتالولي الحاجات دي وابعثوها لي عشان نتناقش فيها ابعثها على الإيميل ابعثها لي في المسجد علشان نوصل لحل مش هنفقد طول الوقت كل رمضان يضيع وتبقى هي لحظات حلوة وجميلة نقضيتها على مدى شهر وبعد كده لم نستقد حاجة هتطلع بقرارات إيه هي الثوابت اللي هتثبتها رقم واحد علشان نبقي في ضوء الكلام ده تكتب خططك الإيمانية لسنة الإيمانية دي

إصلاح الفريضة فجر أخباره هيبقى إيه عايزك تبتي تصح من قبل الفجر بشوية تثبت الحكاية دي إصح قبلها بنص ساعة بس وقوم اتوضي عقبال ما توضى قدامك تلت ساعة تصلي لك فيها ركعتين وتوتر حتى لو تصلي بقصار السور يعني جيه في يوم مثلا سور بسطية خالص عايز أوصل لمائة آية يعني لو قرأت لك عم وعبس الحاجات الضغيرة دي والنازعات وبتاع تجيب لك المائة آية تلت سور كده ولا حاجة متجيبش ربعين تمام حلوين أوي إقرأ سورة الواقعة احفظ سورة الواقعة وخمس ست آيات جمبيهم خلصت جنبنا المائة آية حلوة كده يوم لما تبقى إنت مخلع خالص مش جايب أي حاجة خالص يبقى جنبنا المائة آية عايزن نثبت إن هي تبقى ثابت من الثواب بتاعتنا واحد هيبقى نشيط بجد وربنا هيبقى موفقه لكده يبتي يعلي الكلام ده خالص يبقى ورده اللي كان محافظ على أربع تربع يبقى جزء يبقى جزئين وهكذا يبتي يعلي على آخر ثابت كان عنده ماشي يبقى أصحى قبل الفجر بشوية أبتي أشهد الفجر في الوقت ده لأن ده وقت البركة وقت السحر ويبقى وقت عظيم جدا تنزل فيه لرحمات تستغفر فيه ربنا سبحانه وتعالى يصلح حالك أنا بقولك أهو عايز تثبت بعد رمضان صلح من السحر لغاية الشروق وإنت هتثبت تصلي الفجر وتقعده قعدة الشروق يصلحوا يومك أولا زي ما قولنا السحر ده وقت النزول الإلهي فيمكن تدعي ربنا دعوة إن ربنا يثبتك ودي وسيلة أخرى هنقولها دلوقتي إن كثرة الدعاء اللهم يا مقلب القلوب ثبت قلبي علي دينك اللهم يا مصرف القلوب صرف قلوبنا إلى طاعتك ربنا لا تزغ قلوبنا بعد إذ هديتنا وهب لنا من لدنك رحمة إنك أنت الوهاب اللهم إني أسألك الثبات في الأمر والعزيمة علي الرشد تدعي في الوقت العظيم يكون ده سبب إن شاء الله إن ربنا يثبتك على الطريق وإصلاح الفجر نفسه أنت في ذمة الله وفي نفس الوقت إصلاح وقت البكور بقى بالأذكار حصلت عمرة وحجة تامة تامة فحصلت رصيد غيماني في أول النهار فده يكون إن شاء الله عاصم لك من الوقوع في الفتن ومن الوقوع في الذنوب والمعاصي وبالذات لو تأملت أذكار الصباح والمساء هتلاقي كلها فيها معاني الحفظ والرعاية يبقى ده حاجة من الثواب إلهي غحنا عايزين نظبطها أول حاجة قولنا إصلاح الفرائض لا سيما الصلوات الخمس لا سيما صلاة الفجر

تاني حاجة إصلاح الحال مع القرآن رمضان درس القرين فيه درس واضح تماما أول حاجة القرآن هيظبط لك يومك وهيظهر لك قلبك لأن القرآن رحمة وإحنا مبتشغلنيش إلا الرحمة فاكرين إنتم كنا بنقول إيه البنزين اللي بيحركك تنزل فيه الرحمة تشتغل وينزل من القرآن ما هو شفاء ورحمة فيظهر لي قلبي من أثر الذنوب اللي هي بتقف حائل بيني وبين ربنا وفي نفس الوقت يشفي صدري من أثر الذنوب القديمة اللي برده هي دي حجر العثرة اللي بيني وبين الله فيبقى القرآن هيظبط لي الناحيتين دول عشان كده هيبقى مهم أوي إصلاح الحال به بس أنا عايز أصلح الخمس حاجات بتوع الهجر الخمس حاجات بتوع الهجر واحد هجر التلاوة فعايزين ورد لا يقل بأي حال من الأحوال عن جزء يوميا لازم تموت ولا إنك متقرأش جزء اليوم واليوم التالي لو أنا النهاردة مقرتيش الجزء بكرة مقراش جزئين أقرأ ثلاثة وأحلف علي نفسي إن والله الذي لا إله إلا هو لا يمر بي شهر



إلا وأكون قد ختمت القرآن تلاوة هتعمل الكلام ده هنتشبن وهتكمل إنما تتعامل مع نفسك بالضعف لا بلاش كده أنا حلفت علي نفسي قبل كده وصمت تلت أيام لا بلاش يبقى كل سنة وإنت طيب يبقى غصلاح التلاوة اتنين السماع وأنا علشام كده بقول خدوا بالكم من الصلوات الجهرية وبالذات برده صلاة الفجر وقرآن الفجر إن قرآن الفجر كان مشهودا تقعد بقى تتأمل أوي كده وتسمع قلبك الآيات اللي بتتقري وهتلاقي رسايل مفيش بعد كده أو هيبقى في وقت وتخليه تبقى قاعد تسمع لك شوية غير ورد التلاوة ده خالص حاجة من الحاجات اللي إنت تعالج بها المشاكل إنك تسمع صح وقالوا لو كنا نسمع أو نعقل ما كنا في أصحاب السعير يبقى الأول نسمع صح أدي رقم اتنين اللي هو إيه هجر السماع يبقى نسمع صح رقم ثلاثة هجر التدبر وأنا قاعد فهمت حاجة أدونها وأروح بعد كده أشوف التفاسير يعني أنا مش إمام المفسرين في زماننا بلاش لأحسن إنتم هطلعوا معاني أحد الأخوة طريفة من الطرائف السنة دي بنقول لهم إيه كانوا قليلا من الليل ما يهجعون قولنا فيها قولين للعلماء القول الأولاني إنه كانوا قليل من الليل ما يهجعون إنهم كانوا بيناموا وقت قليل والباقي كله بيقضوه في الصلاة والقول الثاني عند المفسرين العكس إنهم بيصلوا صلاة قليلة بس بيداووموا عليها كويس كده فالأخ بيقول فالوقف فين كانوا قليلا من الليل ما يهجعون أخ تطلع من تحت البتاع وقالك إيه الوقف علي ما إزاي كانوا قليلا من الليل ما يهجعووووووون يعني كانوا قليلا ما يعني إيه اللي حصل ما طب ويعمل لك بإيده كده ها إيه اللي حصل كانوا بيعملوا إيه يهجعووووووون بيناموا فده تدبر عالي طبعا هو ده المطلوب بالظبط عايزين تأملات قرآنية كده عالية التدبر عايزين تسمع وتشوف كده المعنى الآية دي بتخاطبك الآية دي بتخبط على قلبك أيوة أنا ده وتنزل الآيات احنا قولنا في دروس لماذا لا تتأثر بالقرآن وقولتها أكثر من مرة علشان الموقف ده بن القيم بيقول أول كتاب الفوائد إنك تنزل نفسك منزل المستمع أو المخاطب يعني إيه إن الذين آمنوا أنا كنت بقول كده يقرأها إن الذين آمنوا إحنا برده وش المؤمنين إحنا تعبانين يا عم المؤمنين دول ناس فوق أوي إن الذين كفروا لا لا مش أوي كده مش لدرجة إن أبقى كفار يعني إن الذين نافقوا ولا دول أعود بالله ياأخي حرام عليك أموال القرآن بتاع مين بقى مخلصنا كده لا مؤمن ولا ده ولا ده فكده عمره هيتدبر حاجة خالص ولا هينزل أي آية في أي اتجاه القرآن كله الله أكبربركة العلماء قالوا قد يكون في المؤمن خصلة نفاق وخصلة كفر فممكن تكون الآية دي كفر مش مخرج من الملة كفر حجود يعني آية زي دي وهي بالظبط تنفعنا أوي في يومين بتوع شوال دول وبالذات بعد الفتور والانتكاسات والحاجات دي اللي بتحصل في الأوقات دي إن الذين آمنوا ثم كفروا ثم آمنوا ثم كفروا ثم ازدادوا كفرا لم يكن الله ليغفر لهم ولا ليهديهم سبيلا أه أيوة ده آمن وبعدين أقع وأقوم تاني وأقع ولما أقع الواقعة الثانية بتبقى هدر بقى إزدادوا كفرا شوف العقوبة رمضان غفر له ما تقدم من ذنبه والمنتكس لم يكن الله ليغفر لهم ولا ليهديهم سبيلا رمضان سبيل الهداية وده ضاع في الضلال ليه ولا انصرف عن ربنا عامل بالظبط زي واحد قعد يخبط على الباب فتح لاقى جنة الله ده حلو أوي إيه الجمال ده وإيه ده وإيه ده وإيه ده سلام عليكم هو ده اللي إنت عملته بالظبط دخلت رمضان الله

ياه وسكينة وطمأنينة وقرآن وصيام وحاجات ياه جميل جدا جدا السنة الجاية إن شاء الله  
نبقى نشوف الموضوع ده فينفع بعد ما يفتح لك ويقعدك في قصر النعم دي كلها تيجي  
بعد كده تسببه وتروح تقعد لي في الجحر اللي انت قاعد فيه إنت اللي اخترت بعد كده  
إنت اللي اخترت الجحر وشيلت القصر فعشان كده بقى عيش في الجحر واتعذب بقى في  
الجحر ده بدال إنت اللي اثرت الذنوب والمعاصي والمخالفات على جنة طاعة الرحمن  
فأية زي كده أعرف إزاي أتدبر فيها وأنزلها على نفسي علشان أحس يبقى هجر إيه  
التدبر فيه هجر العمل التحاكم إلى القرآن إن القرآن الآية فوق دماغي الأخت تسمع  
وقرن في بيوتكن خلاص سلمت لما الآية تخاطبك وإنت ومش قادر فلا وربى لا يؤمنون  
حتى يحكموك فيما شجر بينهم ثم لاجدون في أنفسهم حرجا مما قضيت حكم ربنا فوق  
دماغك من فوق طالما حكم الله خلاص كل صغيرة وكبيرة أخذ واحد الاستشفاء إني أنا  
أستشفي بالقرآن قلبي وبدني أرقى نفسي وفي نفس الوقت أرقى قلبي بقى بالقرآن الله  
سبحانه وتعالى من حكمه أن يخرج أضغانهم هيطلع اللي في قلبك وهيطهر اللي جواك  
ورمضان أنا مسميه الغربال بيطلع ويبغربل والصافي هو اللي يبقى موجود والشوائب  
تقعد لسه في المنخل علشان كده إنت محتاج تفهم أوي المعاني دي قولنا تاني حاجة  
إصلاح القرآن إصلاح الحال مع القرآن رقم ثلاثة الذكر ولذكر الله أكبر اجتهد في  
رمضان في إنك تحافظ على ولو تسبيحة طب شوفوا دي وإن من شيء إلا يسبح بحمده  
صح ولكن لا تفقهون تسبيحهم طب الجو يقول إيه الناس بتسبح الكل في طاعة الرحمن  
عبودية الكائنات فيقول في الآخر إيه يختمها مثلا إنه كان سميعة سامع اللي ببسبحه صح  
تمشي ولا متمشيش فيقول كل حاجة بتسبح بس إنت مش سامع تسبيحهم فيختم فإنه كان  
سميعة عليما سامعهم وعالمهم تمشي كده تمشي ولا متمشيش لكن يقول إنه كان حلما  
غفورا إيه اللي جاب الحلم والمغفرة إنه كان كان حلما على من لا يسبح فلمن لم يسبح  
مستحق للعقوبة لو شفت إسم الله الحلیم تعرف إن في عقوبة بس ربنا حالم عليها إنه كان  
حلما على من لا يسبح غفورا لمن يسبح شوفت الذكر قولت لهم برده ان احنا بنوقف  
على المعاني دي بنقول إيه التسبيح ده يعني حاجة كويسة التسبيح ده مش واجب التسبيح  
ده مستحب سبحان الله وبحمده سبحان الله العظيم الحاجات دي الآية بتقول إيه اللي  
مبيسبحشي مستحق للعقوبة يبقى لازم تسبح يبقى لازم تذكر يبقى لازم يكون لك ورد  
من الأذكار استغفار وصلاة علي النبي صلى الله عليه وسلم وتهليل وتحميد وتكبير  
وحوقلة لازم هو ده اللي هيشفي صدرك غير كده يبقى بتحرث في الماء يبقى إنت في  
سكة تانية تايه الذكر الي تستغل وقتك بالذات بقى في ترركاتك وإنت بتركب وإنت رايك  
هنا جاي من هنا لسانك لا يفتر من ذكر الله ده بينتلك إذا لقيتم فئة فاثبتوا وذاكروا الله عايز  
تثبت اذكر الله تمام

الامر الرابع قولناه الصحبة هو رمضان كانت إيه الميزة إنت تدخل المسجد تلاقي ناس  
ما شاء الله أد كده ولكنا متعاونين على الطاعة تروح تصلي تهجد بالليل تلاقي الوشوش  
هي هيه والناس هم هم الجو الإيماني ده بينشطك إنما لما تبص بقى بعد كده ومتلقيش حد  
خالص غربة ثقيلة محتاجين صاحب ساحب إلى الطاعة تذكر قول الله تعالى واصبر

نفسك مع الذين يدعون ربهم بالغداة والعشي يريدون وجهه ولا تعد عينك عنهم يبقى  
الأمر الرابع الصحبة

الأمر الخامس الدعاء الله جل وعلا قال فإذا سألك عبادي عني فإني قريب من إيه أجيب  
دعوة الداع إذا دعان عايز تستشعر القرب أنا في درس إدعوني أستجب لكم قولت عايز  
تعرفه ولا ياعم أسماء وصفات والكلام الكبير وإنت لسه قدامك أد كده علشان تتعلم  
وتعرف ومش عارف إيه عايز وصفة سريعة دلوقتي تشتغل بها لغاية متتعلم بجد بقى  
بشكل منهجي إرفع إيدك إرفع إيدك وحس قربه وإنت هتعرف هو مين استشعرها كده  
وابتدي كلمه وناجيه أكثر من حمده وشكره كلمه كلمه قوله أنا تعبان قوله أنا خايف أبعده  
عك قوله أنا بحبك بس خايف كده أكون بقولها بلساني ومش بقلبي يارب اغرسها في  
قلبي يارب ما تجعل في قلبي حب إلا ليك ولا تعلق إلا بك قوله قوله أ، ا عرفت إنت مين  
بجد يااه ده أنا بالمخالفات دي بالذنوب دي وبعد كده تكرمني وتوقفني بين إيدك وتخليني  
أصوم وأقوم وأقرأ وأعمل الطاعات دي كلها يبقى كريم أوي إنت جواد إنت شكور إنت  
حميد إنت جميل إنت طيب شوف طيب يااه إرفع إيدك كلمه حس به حس بقربه وإنت  
تخلص كل مشاكلك في الحياة هو ده الدعاء الدعاء هو العبادة علشان كده الدعاء مخ  
العبادة علشان كده علشان بيعلمك كل الدروس دي بيعرفك هو مين برفعة إيد وكلام طالع  
من القلب بس تظن إنك تلجأ به ويخذلك والله لا يخذلك من الذين لجأ إليه فأعرض عنه  
إنت بس روح له بكلك روح له بكل حته فيك متفكريش في اللحظة دي إلا فيه وإنت  
هتفهم يعني إيه ربنا بس لو وصلنا للمرحلة دي مش هتقدر تعمل المعاصي هتلاقي نفسك  
مستقلها هيحب ليك الإيمان حيزينه في قلبك هيكره غلبك الكفر والفسوق والعصيان  
هتبقى مش قادر يشوفك حيث نهاك ويفقدك حيث أمرك مش هتبقى قادر هتبقى قلبك  
بيهتف من جواك بيقومك بيقولك وعجلت إليك ربي لترضى أيوة هي دي هو المعنى ده  
لو نطلع به من رمضان لو نطلع به من جلستنا دي كفانا عايزين نصلح حالنا مع الدعاء  
عاين نحسن الفرائض بنوافل نتحبب بها إليه أصله قال كده لا زال عبدي يتقرب إلي  
بالنوافل حتى أحبه هتحبني أنا أنا على إيه علشان صليت ركعتين مخدوش معايا دقيقة  
ولا دقيقتين تحبني علشان دول أه يحبك طول ما إنت عايز تعمل كمان زيادة عن  
المطلوب يحبها فيك أوي فيقربك منه عايزين نحسن هذه الطاعات بالنوافل فيبقى في  
قيام ليل ركعتين زي ما اتفقنا يبقى في اتنين وخميس يبقى فيه ٦ من شوال يبقى في  
نوافل صدقات مش بس واقف على الواجب فقط انا عايز أديك في الختام كلمات من  
رمضان إلى قلبك رمضان ولا فإننا لله وإنا إليه راجعون اللهم أجرنا في مصيبتنا هذه  
وأعد علينا رمضان أعواما عديدة وأزمنة مديدة لكن من كان يعبد الله في رمضان فقط  
فإن رمضان يمضي ومن كان يعبد الله وحده فإن الله حي لا يموت إذا كنت حبيبت  
رمضان فاعلم أن حسن العهد من الإيمان النبي صلى الله عليه وسلم السيدة عائشة بتقول  
دخلت عجوز وهو عندي فقال النبي صلى الله عليه وسلم للعجوز من أنتي قالت أنا جثامة  
المزامية قال بل أنت حسانة المزانية كيف أنتم كيف حالكم كيف كنتم بعدنا قالت بخير  
بأبي أنت وأمي يا رسول الله فلما خرجت قالت عائشة للنبي صلى الله عليه وسلم يا

رسول الله على هذه العجوز هذا الإقبال إيه يعني برده غيرة السيدة عائشة حتى من العجوز إيه يعني مين دي اللي إنت مهتم بها أوي وكل شوية تقول كذا وكذا قال إنها كانت تأتينا زمن خديجة وإن حسن العهد من الإيمان فمن حسن العهد برمضان الآ تنقض ما بنيته من الصالحات رمضان كان ماسك معاك المعول وإنت قاعد تبني صح الإيمان بتاعك طوبة طوبة وقاعد بتبني الدور الأولاني وفتحت وعلمت كده يا عم ما شاء الله تيجي بعد كده وتنقض كل هذا فلا تكن كالتي نقضت غزلها من بعد قوة أنكاثا عايز حسن العهد برمضان خد بالك من اللي إنت بنيته غلألي إنت بنيته حافظ عليه ياريت بعد كده يجي يبص عليه الاستشارين يبصوا يقولوا لأ معمول صح احنا عايزين كده الملائكة تطلع على هذا العمل ورتفعه إلى رب العالمين فيقبل يتعمل إزاي دي إن أنا أبقى خايف أوي إن عملي لا يقبل أهلها بواجب عملي بسيط أد كده إن أنا أقعد طول شهر شوال ده على الاقل ولو مرة وإنت بتصلي نافلة ربنا تقبل منا إنك أنت السميع العليم يارب تقبل يارب تقبل يارب تقبل يجي حد يقولك غيه أخبار رمضان السنة تيجي تقوله بس أسأل الله القبول من قلبك من اللي هو إيه نسأل الله القبول القبول واخذ بالك إنت بقی الأعمال أهى كلها فنسأل الله القبول لأ بجد من قلبك قول وإدعي لي إن ربنا يتقبل أخبار العمرة أیه السنة دي الناس بتقول زحمة وبتاع بس هتلاقك نفدت إنت يا شيخنا هتلاقي ظبطت المسائل هناك إيه الأخبار وبتاع ياعم نسأل الله القبول حد عالم الله أعلم الـ مال اللي في الظاهر دي إيه أخبارها عند رب العالمين لن نتفعنا إلا ركعيات كنا نصليها بالليل مكش حد مطلع عليها يبقى الخوف من عدم القبول هو ده طريقك إلي القبول أن تخاف الآ تقبل عايزك كنا رمضان حاطين شعار إيماننا واحتسابا عايزين نحتسب إيه في شوال عبادة في الهرج كهجرة أليا مانت طلعت في رمضان طلع الهرج كله على طول الهرج الفتن إن الفتن دي كانت أخف شوية في رمضان أدريك برنامج يومي مشغول به بليل صلاة وبالنهار بتقضي أحوالك وشغلك ماشية الأمور كده دلوقتي من لنفسك بقی يا حلو فالفتن في الهرج وقت كثرة القتل في آخر الزمان عبادة في الهرج والفتن كهجرة إلي النبي صلى اله عليه وسلم عايز تاخذ ثواب المهاجرين دول بقی اللي هم وصلوا للمهاجرين الذين رضى الله عنهم ورضوا عنه هذا يبلغوا بإيه إنك تحتسب هذا المعنى كن هذا الشاب الذي نشأ على طاعة الله فكن من السبعة الذين يظلمهم الله بظله يوم لا ظل إلا ظله قولنا هتاخذ بالك أوي من تزيين إبليس اسمع الآية دي بقی هتخلص اللي احنا عايزينه كله وفي سورة محمد أفلا يتدبرون القرآن أم على قلوب أقفالها أدي تدبر القرآن اللي إحنا كنا قاعدين بنتكلم عليع اللي هيفك أقفال القلب ماشي طيب اسمع بقی إن الذين ارتدوا علي أدبارهم من بعد ما تبين لهم الهدى الشيطان أملى لهم وسول لهم وصلت ما حانا أهو أقولها تاني أفكها بالعربي إن الذين ارتدوا على أدبارهم أدي الانتكاسة اللي بتحصل بعد رمضان إدي الفتور اللي بيحصل بعد رمضان ارتدوا على أدبارهم من بعد ما تبين لهم الهدى من بعد ما السورة ما بقت واضحة خالص رحمات رمضان من بعد صلاة وقيام من بعد المعاني الجميلة دي من بعد ما تبين لهم الهدى إيه اللي هيوجب رحلهم ورا الشيطان هيعمل غيه سول لهم يعني غيه سول لهم زين لهم الشيطان تزيين الشيطان

الحتى بتاعت العجب اللي هيقوله عمك حلو وتمام ومية ومية وأملى لهم هيديهم طول  
أمل لسه بدري إنت شباب عيش لك يومين ياعم إنت هتقفل على نفسك من دلوقتي ليه  
وبعدين لسه في رمضان ورمضان ورمضان إن شاء الله وهتبقى آخر تمام كان لسه  
عندنا حادثة الأخ راجع من العين السخنة هو والدته وأخته والولد أدكوا عنده عشرين  
سنة لحظة متفهميش إيه اللي حصل الدريكسيون اتعمل من إيده نام الله أعلم المهم خبط  
في إعلان كبير أد كده والدته توفيت في الحال وهو دلوقتي مهدد بالشلل واحد من اللي  
كانوا بيحضروا معنا ده بقى راجع من رمضان وعيد وكان بيقتضي مع أهله عادي  
خالص مفيش حاجة علشان تبدي إنت تقول تلاقيه بس عمل مخالقات تلاقيه مش عارف  
إيه علشان تريح دماغك أهو عندك طول أمل مش هينفع الشيطان سول لهم وأملى لهم  
مخطط إبليس المعروف قبل رمضان يغفل الناس عنه في شعبان بعد رمضان إن  
السيئات يذهبن الحسنات اللي هو يحبط العمل إنه يوقعك في السيئات زي ما قولت لك  
بعد كده ربنا قال إيه؟ إيه أصل الداء خالص فيهم؟ ذلك بأنهم قالوا للذين كرهوا ما نزل  
الله سنطيعكم في بعض الأمر اللي هي إيه إن إنت تقع في ذنب واحد كده بس يعني حاجة  
بسيطة مش قصة مش موضوع حاجة كده سنطيعكم في بعض الأمر نعمل صفقة مع  
إبليس في دي بس في البص بس مفيش غير كده الباقي كله هبقى تمام لكن في النظر ده  
إنت عارف الوضع مش هيسحمل أو في دي أو في دي فعملت صفقة معاه في بعض  
الأمر ربنا قال إيه والله يعلم إصرارهم فكيف إذا توفتهم الملائكة يضربون وجوههم  
وأدبارهم إشمعنى يضربوا علي وجهه ودبره علشان هوتولي الأدبار مش هو لف هتبقى  
عقوبته من جنس عمله ذلك بأنهم اتبعوا ما أسخط الله هي دي اللي إنت بتعملها الحاجة  
اللي بتغضب ربنا بس شيء واحد يغضب الله ممكن يضيع كل اللي إنت بتعمله ذلك بأنهم  
اتبعوا ما أسخط الله وكرهوا رضوانه فأحبط أعمالهم تكره تبقى في الجنة تكره لذة  
القرب منه رضوانه تكرهه وتسيبه سيبته ليه إياك تسيبه أو عى الشيطان يخليك تسيبه  
حتى لو اليومين ثلاثة اللي فاتوا حصل فيهم أي عك يعني خلاص أبقنا بقى نبتدي بقى  
نصح من دلوقتي أم حسب الذين في قلوبهم مرض ألا يخلف الله أضغانهم الغربال شغال  
جدد توبتك ليه؟ تقابل فتور رمضان فتور رمضان ده محتاج أول حاجة علشان لا تقتر  
هكذا فهمنا القصة القصة بتقول إن إحنا عندنا ثوابت وعندنا متغيرات لو نزلنا للمستوى  
الثابت يبقى كويس أوي مبقاش عندنا متغيرات بس مفتور إنما لو كلت من الثوابت يبقى  
ده إسمه انتكاس أنا مثبت خمس صلوات والرواتب مبقيتيش أصلي الرواتب كانت ثوابت  
اسمه انتكاس إنما كنت مواظب أجيب الرواتب وأجيب فوقهم كل يوم شوية كمان  
مبقيتيش أعلمهم دول مش قادر أوصل للدرجة دي الحالة دي اسمها إيه فتور دي اللي  
النبي قال فيها صلى الله عليه وسلم لكل عمل شري ولكل شري فترة كل حاجة ليها  
نشاطها تلاقي نفسك فايق أوي وفي وقت فيه فتور الفتور ده إنت مسدد بس واقف على  
الثوابت بتصلي الخمس صلوات وبتجيب جزء معندكيش زيادة عن كده يتواجه بإيه ربنا  
قال اللي يواجهه بحاجتين أول حاجة أجدد التوبة لأن الحالة دي إن الانتكاس يبقى  
عملت ذنوب علشان وقعت لأن كده مصيبتك في دينك اللهم لا تجعل مصيبتنا في ديننا

تاني حاجة الشكر ربنا قال ومين ينقلب علي عقبه فلن يضر الله شيئاً هو يعني حضرتك لما دخلت انقرجت على القصر ومعجبكيش أو عجبك وبعد كده روحك واخذ بعضك ورجعت في الحجر اللي إحنا قاعدين فيه ده إنت ضريت ربنا في حاجة إنت اللي ضريت نفسك فلن يضر الله شيئاً وسيجزى الله الشاكرين بص الآية بتتختم إزاي بتقول كل حاجة أهو خواتيم الآيات بتقول كل حاجة أهى وسيجزى الله الشاكرين مش عايز تنقلب مش عايز تحود اشكر اعلمك حاجة على السريع برده واجب عملي إدمان الحمد عايزك الهم لك الحمد كله وإليك يرجع الأمر كله جاء رجع أعرابي للنبي صلى الله عليه وسلم فقال علمني دعاء لعل الله أن ينفعني به حديث رواه البيهقي وحسنه الألباني قال قول اللهم لك الحمد كله وإليك يرجع الأمر كله يا شباب صلاة الفجر بتقولك متسبنيش فأنت معي في ذمة الله القيام بيقولك متسبنيش فأنا دأب الصالحين ومكفرة للسيئات قربة إلي ربكم صلاة القيام بتقولك لا تكن ا عبد الله كفلان كان يقوم من الليل فترك قيام الليل بن عمر شاف إن رجله بتوقع على شفير جهنم خلاص هيقع وإن ثوبه هيبتردي يخترق بالنار فجري للسيدة حفصة علشان يفهم تأويل الرؤية دي فدعاه النبي صلى الله عليه وسلم فقال نعم العبد عبد الله لو كان يقوم الليل الراجل يسرق بالنهار ويقوم الليل بالليل فقيل للنبي صلى الله عليه وسلم عن شأنه ده منافق أهو قال لا ستنهاه ما تقول قيام الليل يا شباب بيقولك ما تسبنيش الصيام يا شباب لا عدل له لا مثل له ملوش زي بيقولك متسبنيش أنا والقرآن شفيهان لك يوم القيامة المصحف بيقولك أرجوك متسبنيش من سره أن يحب الله ورسوله فلينظر في المصحف إن من أعظم الصدقة أن يترك الإنسان مصحف ورثه مصحف كان بيقرأ فيه وإداه لأولاده وهكذا مش مصحف يشتريه ويقول لهم كده يعني ورث لأبيقرأ فيه المصحف بيقولك متسبنيش المسجد بيقولك أنا بيت كل تقي أرجوك متسبنيش عايزك في الختام إستشعر بقلبك أغمض عينك الآن واستشعر لو أن هذا نداء إلهي من رب السماء لا تتركني فما أنت قائل هل ترد يده وهو يتودد إليك ليل نهار لتتوب إليه متسبنيش أسأل الله تعالى أن ينفعنا بما سمعنا وما قولنا وأن يجعله حجة لنا لا علينا سبحانك اللهم ربنا ويحمدك أشهد أن لا إله إلا أنت أستغفرك وأتوب إليك اللهم صلى علي النب محمد وسلم عليه تسليماً كثيراً